

Armand Simon y Simon Gollo

Awenochi 8'or na Cas di Cultura den concierto varia

Skirbi pa: Clyde Harms

SC Organisa pa Arubaanse Kunstring, awe noch lo tuma lugar un concierto cu e internacionalmente famoso violinista Venezolano Simon Gollo y e inigualabel pianista Arubiano Armand Simon.

E programa ta consisti di piezanan cu lo deleita smaak di un y tur:

Mozart: Sonata KV 379; Saint-Saens: Havanaise (Habanera); Sarasate: Zigeunerweisen; Dvorak: Romance op.11 y finalmente, Grieg: Sonata op.45

Armand Simon ta fundador y director di e Festival di piano di Aruba. Como pianista gradua na Hulanda, el a acompaña varios artista di musica canta (e.o. Tica Giel) y instrumental, manera Alissa Margulis, German Marcano y Nicaulis Alliey. Armand ta director di Da Vinci Academy di arte.

Aruba a conoce Simon Gollo na 2006 tempo cu el a duna un coniertu cu Abraham Abreu na beneficio di Aruba Scholarship Foundation. Despues el a toca den diferente concierto aki. Simon Gollo ta fundador y director die famoso Festival y Academia Nuevo Mundo di Maracaibo. Gollo a yega di toca den hopi teatro den Europa, Merca y paisnan di America Latino. Actualmente Simon Gollo ta biba na Merca caminda e tin un cuarteto di cuerda "Dali" cu ya a toca den mas di 20 diferente estado di Merca. Dali ta un di solamente tres cuarteto ci cuerda na Merca cu ta consisti di tocado Latino so. Simon Gollo tambe ta pertenece na e prestigioso orkesta di camera di e St. Luke's Church di New York. Tres bes pa aña Simon Gollo ta toca cu e orkesta di St Luke na e mundialmente famoso Carnegie Hall!

Esaki ta un betrdadero oportunidad unico pa nos na Aruba disfruta di musica di calidad. E concierto lo cuminsa 8 or y entrada lo ta solamente AWG 25.00 pa adulto. Foto adhunto cortesia di Benjamin Romero.



Armand Simon (pianista Arubiano) y Simon Gollo (violinista Venezolano) ta relaha despues di ensaya pa e concierto di diahuebs anochi na Cas di Cultura. Nota e mapanan riba muraya tras di e artistanan ta mustra Aruba y Bonaire caminda e duo lo toca e siman aki.

Por comunica via: clydeharms@yahoo.com.

Dairio. - (diahuebs 19 februari 2015)